

The Electronic *Manipulus florum*
www.manipulusflorum.com

Bellum I
cum fonte primo

Fortitudo que per bella tuetur
a barbaris patriam, uel defendit
infirmos, uel a latronibus socios,
plena iusticia est.

Ambrosius de officiis.

Liquet igitur et has et reliquas cognatas
sibi esse uirtutes siquidem et
fortitudo quae uel in bello tuetur
a barbaris patriam uel domi defendit
infirmos uel a latronibus socios,
plena iustitiae sit;
et scire quo consilio defendat atque adiuuet,
captare etiam temporum et locorum
opportunitates, prudentiae ac modestiae sit;
et temperantia ista sine prudentia modum scire
non possit; opportunitatem noscere
et secundum mensuram reddere, sit iustitiae;
et in omnibus istis magnanimitas necessaria sit
et quaedam fortitudo mentis plerumque
et corporis ut quis quod uelit implere possit.

Ambrosius Mediolanensis, *De officiis*, 1.27.129
(CCSL 15, M. Testard ed., p.47, ll.29-38).